

### 0.0.1 kāmadasuttam

#### 0. sāvattiyaṃ

1. ekamantaṃ t̥hito kho kāmado devaputto bhagavantaṃ etadavoca:

dukkaraṃ bhagavā sudukkaraṃ bhagavāti.  
dukkaraṃ cāpi karonti (kāmādāti bhagavā),

sekhā<sup>1</sup> sīlasamāhitā;  
t̥hitattā anagāriyupetassa,  
tuṭṭhi hoti sukhāvahāti.

dullabhā bhagavā yadidaṃ tuṭṭhīti.  
dullabhaṃ vāpi labhanti (kāmādāti bhagavā),

cittavūpasame ratā;  
yesaṃ divā ca ratto ca,  
bhāvanāya rato mano'ti.

dussamādahaṃ bhagavā yadidaṃ cittanti.  
dussamādahaṃ vāpi samādahanti(kāmādāti  
bhagavā),  
indriyūpasame ratā;  
te chetvā maccuno jālaṃ,  
ariyā gacchanti kāmādāti.

duggamo bhagavā visamo maggo'ti.

---

<sup>1</sup>sekkhā -syā.

duggame visame vāpi (bhagavā:),  
ariyā gacchanti kāmada;  
anariyā visame magge papatanti avamsirā;  
ariyānaṃ samo maggo,  
ariyā hi visame samāti.